

Radyo an Norvys

(<http://www.dasunys.net/podcast.htm>)

Titel: Nowodhow an seythun (02/01/08)

Auctour: Matthew Clarke

Dydh: 02 Genver 2008

Pesyans: 00:02:16

Blydhen nowydh da dhywgh...

Yma Epskop Truru, Bill Ind ow kewsel a-barth gwitha agan gonisogeth yn fyw.

Y teu y gampoellansow y'n y vessaj an vlydhen nowydh.

Ev a grys bos edhomm dhyn a dhrehevel moy a jlow diger may hallo tus teythyek a Gernow triga y'ga bro a'ga honan.

Yma gwarnyans dhiworto a-dro dhe'n towlennow dastispleygya dell eus y'n eur ma.

An Epskop a grys bos nebes anedha an fordh gamm war-rag.

Yma own dhodho aga bos towlennow rag tus rych.

Yma an desedhek ow kul system nowydh skrifa-kompoester ow pesya gans aga ober an mis ma.

Wosa kesunnverheans y'n mis yw passyes ynter pub bagas... res yw dhe'n eseli kempenna an system kyns gorra neppyth a-dherag Kernewegoryon.

Nebes Kernewegoryon re grothvolas yn unn leverel bos manyllyon an system gwithys yn-dann gell hwath.

Byttegyns, soedhva an taves a wovynn orth pub Kernewegor dhe wortos nebes pella yn kosel.

Nyns yw res hanter-kans-milvil peuns a vona lottri dhe'n Edenva.

Pennrewler Tim Smit a vynna y usya rag drehevel biom nowydh gelwys 'The Edge'... po 'An Amal' yn Kernewek.

An arghans eth dhe roesweyth hynsyow diwrosya ha kerdhes a-hys Breten Veur.

Y fydh hwithrans war an kas laghyl neb a worras dew vroder yn jayl.

Robert ha Lee Firkins veu kablys rag moldra den ha'y wreg yn Kernow Gledh nans yw ogas ha pypm blydhen.

Byttegyns yma dout war dhustuni a unn prysoner.

An dhew dhen dhiworth Weston-Super-Mare a ladhas Carol ha Graham Fisher yn dew-vil-ha-tri.

Hag UFO re beu skeusennys a-ugh Kernow.

Nebonan a gemmeras an skeusenn dhe Borthmeyn ogas dhe Aberfal.

Konygyon Difresyans a grys nag yw fug-skeusenn.

Y fydh moy nowodhow nessa seythun.